



Služba za zajedničke poslove

Broj: 10-04-2356/21
Lukavac, 29.06.2021.godine

Na osnovu člana 64. stav (1) tačka a), člana 88., člana 70. Stav 1.), 3.) i 6.) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 10-04-2356/21 od 28.06.2021.godine u konkurentnom postupku javne nabavke guma za putničke automobile, Pomoćnik općinskog načelnika za Službu za zajedničke poslove d o n o s i

ODLUKU
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 10-04-2356/21 od 28.06.2021. godine i Ugovor za javnu nabavku guma za putničke automobile, dodjeljuje ponuđaču „TESEL PROM“ d.o.o Živinice, koji je dostavio ponudu broj: 03-06/21 od 21.06.2021. godine, za ponuđenu cijenu u vrijednosti od 2.168,00 KM i rokom plaćanja 30 (trideset) dana kao najpovoljnijem ponuđaču.

Član 2.

Ova Odluka objavit će se na internet stranici ugovornog organa (www.lukavac.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Općina Lukavac je Odlukom o pokretanju postupka javne nabavke broj: 10-02-2357/21 od 11.06.2021.godine pokrenula konkurentni postupak javne nabavke guma za putničke automobile. Procjenjena vrijednost javne nabavke bez PDV-a iznosila je 5.000,00 KM.

Obavještenje o nabavci broj: 719-7-1-53-3-70/21 objavljeno je na Portalu javnih nabavki dana 11.06.2021.godine.

Komisija za provođenje postupka nabavke imenovana Rješenjem broj: 02-04-75-35/21 od 16.06.2021.godine, otvorila je ponude i utvrdila sljedeće:



- da su u predmetnom postupku primljene tri ponude;
- da nije bilo neblagovremeno primljenih ponuda;
- da su ponude ponuđača „TESEL PROM“ d.o.o Živinice i „Autocentar Merkur“ d.o.o Banja Luka i „EURO DAM JAS“ d.o.o Lukavac kvalifikovane i potpune, odnosno dostavljeni su svi traženi dokazi propisani tenderskom dokumentacijom, na propisan način,

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 5.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
 b) Rok plaćanja..... 2 %

Ponuđač „TESEL PROM“ d.o.o Živinice dostavio je prihvatljivu ponudu sa cijenom u iznosu od 2.168,00 KM i rokom plaćanja 30 (trideset) dana od dana prijema računa i osvojio 99,00 bodova, te je u odnosu na kriterij za dodjelu ugovora rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac – Služba za zajedničke poslove, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „TESEL PROM“ d.o.o Živinice
2. „Autocentar Merkur“ d.o.o Banja Luka
3. „Euro Dam Jas“ d.o.o Lukavac
4. Arhiva



PO OVLAŠTENJU OPĆINSKOG NAČELNIKA
 POMOĆNIK OPĆINSKOG NAČELNIKA
 (ovlaštenje broj: 02-30-2287/21 od 07.06.2021.)
 Jasminka Dugorjić, dipl.pravnik